

Helgedagen

KYRKJELYDSBLAD FOR TIME

NR. 1 - februar 2019 51. årg.



Visitas

side 4



Ungdomstreffet på Fotland side 8



Staben - organistane

side 12



Misjonsprosjekt

side 14

Bryne - Time - Undheim sokn

Kyrkjekontoret

tlf. 51 77 03 77

Kontortider: Måndag-Fredag: 09:00 -14:00

Kyrkjekontoret: Erlandsbakken 6, 4349 Bryne

Inngang frå Saronsbrøtet

heimeside: <http://www.time-kyrkja.no>

e-post adresse: kyrkjekontoret@time-kyrkja.no

Prost: Kjell Børge Tjemsland tlf. 416 38 048

Kateket: Ingfrid Time Nærland tlf. 401 67 222

Diakon: Marit Høie Hetland tlf. 48 89 69 19

Diakon: Jofrid Aarsland Mikalsen tlf. 48 89 72 32

Sekretær: Inger-Kathrine Kjølberg tlf. 51 77 03 77

Assisterande kyrkjevevjer: Siri Vik tlf. 906 43 758

Kyrkjevevjer: Gunnar Bjørland Stone tlf. 962 32 582

Time

Sokneprest: Gunnar Frøyland tlf. 958 73 847

Organist: Oddny Underhaug tlf. 900 11 178

Trusopplærer Ragnhild Hanssen tlf. 990 22 872

Kyrkjetenar: Gunhild Edith Lande tlf. 48 10 70 62

Kyrkjetenar helg: John Ingve Olsen tlf. 481 56 048

Soknerådsleiar: Willy Finnbakk tlf. 913 86 545

Dagleg leiar: Anna Bergitte Skårland tlf. 990 26 276

Klokkar: Olav Njølstad Egeland

Time kyrkjegard tlf. 51 48 32 84

Bryne

Heimeside <http://www.brynekyrkja.no>

Sokneprest Stein Ødegård tlf. 911 57 105

Organist: Per Olav Egeland tlf. 900 18 708

Trusopplærer Kristine Åsbø (permisjon) tlf. 950 20 920

Vikar Mari Ask Helland

Barne- og ungdomsarbeidar Marion Lende (permisjon) tlf. 904 16 888

Klokkar: Leif Andenes tlf. 909 93 176

Sekretær: Elisabeth Obrestad tlf. 51 77 03 77

Soknerådsleiar: Ola Undheim tlf. 908 58 793

Dagleg leiar Bryne: Bjørn Inge Hauge tlf. 481 27 481

Kyrkjelydsmedarb.: Johannes Kleppe tlf. 951 42 602

Kyrkjetenar: Gunhild Edith Lande tlf. 48 10 70 62

Kyrkjetenar helg: Karin Sofie E. Olsen tlf. 467 98 464

Lye forsamlingshus

Heimeside <http://www.lyeforsamlingshus.no>

Sokneprest: Gunnar Frøyland tlf. 958 73 847

Leiar fors. styret: Liv Heidrun Heskestad tlf. 905 69 189

Undheim

Heimeside <http://www.undheimkyrkja.no>

Undheim kyrkje tlf. 51 48 68 20

Sokneprest: May Brit Merland Arnø tlf. 926 55 645

Organist: Kari Kaald Reiten tlf. 908 10 346

Kyrkjetenar: Hans Undheim tlf. 900 37 560

Soknerådsleiar: Hanne Brit Sandsmark tlf. 996 26 157

Dagleg leiar: Elisabeth Obrestad tlf. 51 77 03 77

Besøk vår nettside:

www.time-kyrkja.no

E-post sokneråda:

Time sokneråd: time.soknerad@time-kyrkja.no

Bryne sokneråd: bryne.soknerad@time-kyrkja.no

Undheim sokneråd: undheim.soknerad@time-kyrkja.no

Til ettertanke

Openberringstid

Tida mellom jul og faste kallar me i kyrkja for openberringstida. Bibeltekstane vil fortelja kven Jesus er. Eg fekk ei openberring, seier me, når me forstår noko slik at det blir sant og verkeleg for oss. Me menneske er ulike. Nokon av oss forstår gjennom ord. Andre forstår gjennom teikn og opplevingar. Nokre treng å sjå. Nokre treng å kjenna.

Johannes døyparen hørde Gud tala til seg. Han såg Anden som ei due koma og bli verande over Jesus. Han vitna og sa: Jesus er Guds lam, som ber bort synda i verda. Jesus er Guds son.

Nokre nordmenn av i dag blei spurde om kva dei tenkte om at Jesus blei kalla Guds lam. Alle tenkte på lammet som søtt og lite.

Dei som hørde på døyparen fekk nok andre tankar. I deira verd var det Det gamle testamentet som gav orda innhald.

Kanskje tenkte dei på Abraham som sa til Isak: «Gud vil sjølv sjå seg ut eit brennofferlam.» Eller dei tenkte på lamma som kvar dag blei ofra i tempelet. Nokre tenkte på sydebukken som på den store soningsdagen bar folket si synd bort og ut i øyde-marka. Nokre tenkte på Herren sin lidande tenar i Jesajaboka: «Han vart mishandla og plaga, og han opna ikkje munnen, lik eit lam som blir ført til slakting.»

Tenk å ha ein som kunne rydda opp i rotet etter meg. Eg tenkjer ikkje på kleda eg slenger frå meg eller avisene som ligg og flyt. Eg tenkjer på orda som krenka og kua, på blikka som mislika og forakta, på for-sømmingar som fortalde at eg ikkje brydde meg. Eg tenkjer på det som er mi skuld og som stengjer meg ute frå Gud. Jesus ber



Gunnar Frøyland

bort synda i verda. Han ryddar opp i det me sjølve ikkje kan ordna opp i. «Ved han ville Gud forsona alt med seg, det som er i himmelen, og det som er på jorda, då han skapte fred ved hans blod på krossen», les me i brevet til kolossarane.

Korleis kunne Jesus gjera det? «Han er Guds son», sa døyparen Johannes. «Etter meg kjem det ein mann som har kome før meg, for han var til før meg.» Døyparen Johannes vitnar om at Jesus, menneske og vår bror, på same tid er Guds son frå æve. Derfor kan han gjera det ikkje noko menneske kan. Han kan bera bort vår synd.

«Det som var umogleg for lova, sidan ho stod maktlaus fordi vi er av kjøt og blod, det gjorde Gud. Han sende sin eigen Son som syndoffer, i same slag kjøt og blod som syndige menneske har, og heldt dom over synda i oss.» Romarbrevet 8,3.

Jesus er Guds lam som ber bort synda i verda. Jesus er Guds son, den sterke som gjorde det ikkje noko menneske kunne gjera.

I kyrkja si bøn i fastetida ber vi:

Vi takkar deg, Herre Jesus Kristus, fordi du har bore våre synder på din heilage lekam og med ditt blod sletta ut alle våre misgjerningar.

Gud, gjev oss din nåde, så vi fullt og fast kan tru at alle våre synder er tilgjevne for Jesu Kristi lidings og døds skuld.

Framsida: Juleros - Foto: BH

Helgedagen

Utgitt av Time kyrkjelege fellesråd.

Redaksjon: Else-Marie Bue, Liv Helene Øyre Håland, Oddny Underhaug, Ragnar Time, Gunnar Frøyland,

Reidun Jane Heskestad, Arnfinn Vigrestad og Bjørn Håland.

Trykk: Jærprint. Frivillig kontingent til Time kyrkjelege fellesråd, kontonummer 3212 20 24589. Merk innbetalinga med Helgedagen.

Stoff kan sendast til Kyrkjekontoret eller med e-post til helgedagen@gmail.com innan 7. mars 2019.

Neste nr. kjem ut ca. 4. april 2019.

Min salme

Det stoe som står når alt i verda vaklar

Det enda som bær når allting annat vacklar

*Det stoe som står når alt i verda vaklar,
det er Guds nåde og hans miskunn stor.
All ære og glans på jord det berre raknar
når eg til sist syng med i himmelkor.*

Refreng:

*Det trygge som held er nåden utan grenser,
at Kristi blod frå synd og skyldnad reinsar.*

*Det sikre eg har å stola på til sist,
det er Guds nåde i Jesus Krist.*

*Det stoe som står igjennom strie stormar,
er Kristi kross og blodets faste grunn.
All bygnad av strå og etter verdas normer
han varer berre kort, ei flyktig stund.*

*Alt det som eg har framfor den kvite trona,
det er mi frelste sjel. Halleluja!*

*Og dette er nok, for all mi synd er sona
ved Jesu død for meg på Golgata*

Tekst: Lydia Lithel

Omsett til nynorsk av Bjarne Tron Egeland

«Denne songen handlar om
Guds grenselause nåde, som
er tilgjengeleg for alle, og
som eg så inderleg treng.»

Bjarne Tron Egeland



Den svenske songforfattaren, komponisten og organisten Lydia Lithell, som døydde i 1957 berre 48 år gammal, har skrive over 300 åndelege songar. Dei fleste har ho òg komponert melodi til. To av songane hennar står i den nye salmeboka. Den eine, som eg har vorte meir og meir glad i, er «Det enda som bær når allting annat vacklar». Denne songen handlar om Guds grenselause nåde, som er tilgjengeleg for alle, og som eg så inderleg treng. Songen er vakker på svensk, men for meg kjem han endå nærare og vert meir personleg når eg får han på mitt eige mål. Difor har eg omsett han til nynorsk og vonar eg ikkje har øydelagt noko av innhaldet. Lydia Lithell har også skrive den vakre melodien, som etter mitt syn strekar under bodskapan i teksten på ein særdeles god måte.

Elles tykkjer eg det er leitt at engelsk meir og meir overtek - fortrengjer norsk og gjer at mykje vert så upersonleg - i samfunnet vårt. Kan henda er det ein og annan der ute som kjenner det på same måten.

Miljø, møteplass og misjon



NMS Gjenbruk Bryne

Parken senter Inngang ved
hjørnet Saronsbråtet og Meierigata

Vi tar imot og sel:

Møblar, kjøkkenutstyr, bøker, måleri, leiker,
pyntegjenstandar, hagereiskapar og anna.

Vi tar også imot stumpar av stearinlys

Telefon 400 37 151

Opningstider:

måndag-fredag 10.00 – 17.00 laurdag 11.00 – 15.00



FRETEX butikk Bryne

Parken senter Inngang ved
hjørnet til Erlandsbakken og Meierigata

Vi tar imot og sel:

Klede, kjøkkenutstyr, måleri, bøker, møblar,
pyntegjenstandar, hagereiskapar og anna.

Telefon 922 09 638

Opningstider: måndag stengt.

tysdag-fredag 10.00-16.00 laurdag 11.00-15.00

Visitas med vidsyn trass i novembermørke, vind og regn



Visiterer tyder å sjå nøye på. Konstituert biskop Anne Lise Ådnøy, fekk verkeleg møta og sjå nøye på - både Timebuen og kyrkja sitt arbeid - i løpet av veka visitasen varte. Programmet var stramt og innhaldsrikt - mange møte med lek og lærd i bygd og by.

Trim på stabsmøtet på kyrkjekontoret tysdag morgon meiner biskopen er eksempel til etterfølging. Biskopen vart oppmuntra av rause medarbeidarar og godt samarbeid kyrkjelydane imellom. Kyrkja si satsing på Trusopplæring, var etter biskopen sitt hjarte - "det beste de kan investera i." Prosjektet "Ung i Time" gledde òg biskopen. "Leit etter det som er best for Time", var oppmodinga ho kom med.

Onsdag starta med tur på Knudaheio. Her viste det jærsk

veret seg frå ei side som me som bur her er velkjende med - det bles stikker og strå. Her måtte dei verkeleg halda på alt som sat laust! Biskopen og andre måtte setja sjøbein for ikkje å blåsa bort. Alle fekk lufta tanke og løfta blikk! Dei frammøtte vitja Arne Garborg si diktarstove og fekk ei fin og spesiell samling der.

Familiekonserten der 4 barnekor - Jungelkoret, Korbra, Supermix og Lye barnegospel - song saman med Bjarte Leithaug, var det mange som fekk med seg. Barna si smittende songglede tok me med oss heim.

Jæren Symfoniorkester var med å løfta kulturkvelden. Organist Per Olav Egeland hjalp dei med det. Ungdomskoret Lucas møtte oss på sin måte - med lovsong og



I Helgedagen for 50 år sidan

Ny fast spalte i Helgedagen

I kvart nummer av Helgedagen framover vil me sjå oss tilbake og finna saker som stod på trykk i bladet for akkurat 50 år sidan. Historie er spanande, også når ein kan mimra over "dei nære ting". Derfor håpar me denne spalta kan gleda både gamal og ung. Det gode «ansiktet» Helgedagen fekk alt i første nummer 1969, har Herborg Nordsletten Kverneland levert.

redaksjonen



K Helgedagen

Kyrkjelydsblad for Time

Nr. 1	JANUAR 1969	1. årg.
-------	-------------	---------

Helgedagen

Kyrkjelydsblad for Time.

Bladstyrar: Sokneprest Bjelland.
Kasserar: Lærer Johs. Bårtvedt.
Postgiro 54 558.

Time sokneprestkontor
Rådhuset.
Kontortid kvar tysdag og laurdag
kl. 9,00—10,30.
Telefon 81 080.

Kallskap. Gudvangen har telf.nr. 82 111
og bur på Kringsjå i Auglendsfeltet.

Hjarteleg takk

til alle som tok seg på å bera kyrkjelydsbladet kring i alle heimar før jul. Me møtte eineståande tenestevilje og hjelpsemd. Og utan det hadde me stått fast. Hjarteleg takk. Takk til alle heimar som tok so vel mot bladet og til dykk som alt har gjeve pengar til det. Om de som vil stø dette bladtiletaket vil hugsa det med ei gáva ein gong i året, skal me nok berga oss igjen-nom.

Skulle det vera nokon som ikkje får bladet no i starten, lyt de vera gild å seie frå om det.

tilbeding. Andre som song, dansa, spelte og las dikt var med og skapte spennvidde i kyrkjekulturen.

I møte med kommunen kjende biskopen seg varmt motteken. Time kommune ser på kyrkja som ein viktig aktør for å skapa gode møteplassar. Takk vart retta til kommunen som held kyrkjebygga i god stand.

Biskopen vart varm om hjartet i møte med Bryne skule si skulegudsteneste "Lys i mørke". Gjennom drama og song viste elevane si glede.

Biskopen møtte óg mange av dei over 800 frivillige i dei tre kyrkjelydane. Frivillige er ei gáve som må forvaltast klokt, sa biskopen.

Mange er med og bidreg i gudstenestene i Time, Lye, Bryne og Undheim. Det gjev eit rikt og variert gudstenesteliv. "Gudstenesta skal vera ein stad der me kan vera med heile oss, og kyrkja skal vera ein stad for liv, nåde, kjærleik, fellesskap og håp" sa biskopen.

Visitasen vart avslutta med fest i Guds hus første søndag i advent.

Heile kyrkjelyden - både tilsette og frivillige - var i aktivitet. Ballettdans til Guds ære var med og skapte ei fin stemning. Sigrud Salte og barn frå "Etter skuletid" song og dansa "Advent er lilla, advent forteller at julen er nær. Sorg blir til glede når Jesus er her".

Festen i Guds hus, der alle i dei tre kyrkjelydane var saman, vart ei fin avslutning av visitasen.

Biskopen spør i visitasfœredraget: "Kor i Bryne, Time, Undheim kan Kristus finnast?"

Det blir eit spørsmål både tilsette og vanlege kyrkjegjengarar i Time må ta med seg inn i eit nytt arbeidsår. Mitt håp er at kvar enkelt av oss vert ein del av svaret.

Tekst: RJH

Foto: Vegard Hansen, Bjørn Inge Hauge og RJH

Nattverden

Den vesle katekisma seier om nattverden:

Kva er nattverden?

Nattverden er vår Herre Jesu Kristi sanne lekam og blod i og med brødet og vinen. Kristus sjølv har innsett nattverden for oss kristne å eta og drikk.

Kva seier Guds ord om dette?

Vår herre Jesus Kristus, den natta han vart sviken, tok han eit brød, takka, braut det og sa: Ta imot og et! Dette er min kropp som blir gjeven for dykk. Gjer dette til minne om meg. Like eins tok han kalken etter måltidet, takka, gav dei og sa: Drikka alle av den. Denne kalken er den nye pakt i mitt blod, som blir utrent for dykk så syndene blir tilgjevne. Så ofte som det drikka av han, så gjer det til minne om meg.

Kva får vi i nattverden?

Det syner desse orda oss: «Gjeven for dykk» og «utrent for dykk så syndene blir tilgjevne». Med desse orda

gjev Gud oss i sakramentet tilgjeving, liv og sæle. For der det er tilgjeving for syndene, der er det òg liv og sæle.

Korleis kan så store ting skje ved at vi et og drikk?

Det skjer ikkje ved at vi et og drikk, men ved ordet som seier: «Gjeven for dykk» og «utrent for dykk så syndene blir tilgjevne». Desse orda er i hovudsak i sakramentet, saman med det at vi et og drikk. Den som trur desse orda, han har det dei seier: tilgjeving for syndene.

Kven er verdig til å ta imot nattverden?

Å fasta og førebude seg i det ytre kan vera ein god skikk. Men verdig og vel førebudd er den som trur desse orda: «Gjeven for dykk» og «utrent for dykk så syndene blir tilgjevne». Den som ikkje lit på desse orda, men tvilar på dei, han er uverdig og ubudd. Orda «for dykk» krev eit hjarte som trur.

(Norsk salmebok 2013, s.1286)

Siste delen av Den vesle katekisma handlar om nattverden.

Du kneler ved altarringen og strekk ut handa. Ein brødbit blir lagt i henne og du høyrer orda: Kristi kropp gjeven for deg, eller: Dette er Kristi kropp (lekam). Ein skvett vin blir skjenka i begeret. Du høyrer orda: Kristi blod utrent for deg, eller: Dette er Kristi blod.

Du ser brød og vin. Du smakar brød og vin. Korleis kan dette vera Jesu sanne lekam og blod? Korleis kan nattverden gjeva oss del i Jesus i og med brødet og vinen? Dei som såg Jesus andlet til andlet hadde same utfordringa. Dei såg ein mann, lik alle andre menn. Korleis kunne han vera Guds Son, vera lik med Gud? Korleis kunne han seia: Den som ser meg ser Faderen?

Jesu verkelege nærvær i og med brødet og vinen har alltid vore ei utfordring for tanken. Realpresensen, som det blir kalla på fagspråket, har alltid vore oppe til diskusjon i kyrkja.

Om Jesus verkeleg er der i nattverden, eller ikkje, har mykje å seia. Om han er der, er det han som gjev oss del i frelsa han vann for oss på krossen. Han gjev oss tilgjeving. Han gjev oss del i oppstode og evig liv med seg. Om Jesus ikkje verkeleg er der, blir nattverden fort berre ei synleg handling som vitnar om vår tru på han.


Det er inga tvil om at katekisma legg vekt på Jesu verkelege nærvær. «Med desse orda gjev Gud oss i sakramentet tilgjeving». Det skjer ved ordet (Jesu ord i innstiftinga) som seier, «Gjeven for dykk» og «utrent for dykk». Men vår tru på ordet, og med det, vår vedkjenning til Jesus, er ikkje borte. For katekisma seier: Vel førebudd er den som trur desse orda: «Gjeven for dykk» og «utrent for dykk». «For kvar gong de et av dette brødet og drikk av begeret, forkynner de Herrens død, heilt til han kjem», skriv Paulus. Når me tar imot nattverden forkynner me at Jesus døydd for oss og at det gjeld for meg som tar imot. Som me blir eitt med brødet me et og vinen me drikk, og vinen og brødet blir eitt med oss, slik blir me i nattverden eitt med Jesus i hans død og eitt med han i hans oppstode.

Mysterium blir nattverden kalla. Før utdelinga stemmer me i: Mysteriet i trua er stort.

Kristus døydd. Kristus stod opp. Kristus skal koma att.

Han vere ære for kjærleiken som er sterkare enn døden.

Mysteriet kan me berre ta imot om Den heilage ande openberrar det for oss. Derfor bed me før nattverden: «Vi takkar deg, all miskunns kjelde. Du sende Son din. Han vart krossfest og stod opp frå dei døde. Han opna skriftene



og openberra seg for venene sine då han braut brødet og gav dei. No bed vi deg: Lat din Ande koma over oss og dine gåver, så auga våre blir opna, og vi kjenner han att som vår krossfeste og oppstadne Frelsar.»

Kristus sjølv har innsett nattverden. Guds ord om dette i katekisma og i gudstenesta vår, er i hovudsak henta frå 1.Korintar-brev 11. Ord og uttrykk frå Matteus, Markus og Lukas er henta inn. Det er tydeleg at tradisjon og praksis ikkje var lik over alt i den tidlege kyrkja. Men frå første stund var nattverden ein sjølvsgatt del av dei kristne si gudstenestefeiring. (Apgj. 2,42). Einskapsen mellom dei sprang ut frå einskapsen med Kristus. Eitt i Kristus, er dei eitt med kvarandre. Eitt i Kristus er me eitt med kvarandre, me som ser stykkevis og delt og slett ikkje er ei-nige. Eitt i trua at Jesu kropp vart gjeven for oss og blodet hans utrent for oss.

Gunnar Frøyland

Salmevers å tenka på:

**v.2 Hellig stund! I denne handling
mottar vi vårt livs forvandling.
Det som skjer, er skjult i tiden,
men skal åpenbares siden.
Til vårt støv, her i det lave,
kommer du med Livets gave,
ved ditt bord, som alles tjener
du deg selv med oss forener.**

T 1649 Johann Franck, 1965 Svein Ellingsen

M 1653 Johann Crüger

Norsk salmebok 2013 nr. 604

T © Norsk Musikforlag A/S

TRENG DU NOKON Å SNAKKE MED?

Nokre som ringjer tenkjer på å ta sitt eige liv, andre er usikre, einsame eller redde.
Nokre treng berre å slå av ein prat.

Ring eller skriv: Vi er her. Alltid. kirkens-sos.no

SOS
22 40 00 40

SOS
CHAT

SOS
MELDING

KIRKENS
SOS

VI TRENG FRIVILLIGE.

Har du tid til å bry deg og lyst til å utvikle deg?
Kvart år svarar vi samla kring 200 000 samtalar via telefon og internett, likevel er det ein av tre som ikkje får svar.

Les meir og meld di interesse på
kirkens-sos.no

Å snakke med folk om livet gir meining.



Ungdomstreffet på Fotland



Styret for Ungdomstreffet på Fotland: Frå venstre vaksenkontakt Morten Dyngeland, Randi Grødem, Grete F. Grødem, Ingeborg Dyngeland, Guri Helliesen, Magnus Nedrebø, Gabriel Lende og Johannes Time Bø

Ivrige ungdommar på Fotland

- Ungdomsgruppa på Fotland bedehus
- 8.kl. og oppover, flest frå vidaregåande
- Møtest på bedehuset annankvar laurdag
- Eige styre av ungdommar som legg planar og driv møta
- Gruppa har halde på i ca eit halvt år

Dei får det til på Fotland! Då ungdomsarbeidet heldt på å stansa opp på Fotland, viste dei unge initiativ og tok ansvar. Nå har dei ungdomssamlingar på bedehuset annankvar laurdag. Då kan dei vera frå 15 til om lag 40 som møtest.

Ungdommane kjem frå store deler av Time-bygda, men

flest frå gamle Vestly krins og Hognestad-krinsen. Sidan mange av dei går på Tryggheim vidaregåande skule, får dei også mange med seg derifrå. Dei ordnar til og med henting på Bryne stasjon, sidan busstillbodet til Fotland ikkje løyser reiseproblemet!

Dei får hjelp med talarar frå Tryggheim og andre stader. Men dersom dei manglar talar, ordnar dei det òg sjølve. Nokon i styret stiller då som talar - og det går bra, seier dei!

På laurdagssamlingane har dei også lovsong, gratis kveldsmat og kiosk. Sosiale aktivitetar blir det òg tid til. Helgedagen fekk vera med på eit styremøte heime hos



Foto: Randi Grødem



Ingen invitasjon til dåp?

Velkomen til dåp i kyrkja!

Grunna ei endring i kyrkja sin tilgang til folkeregisteret, kan me ikkje automatisk finne ut kven av våre medlemar som har fått barn lenger. Difor kan me heller ikkje sende ut brev med dåpsinvitasjon til dei nyfødde i kyrkjelyden slik me har gjort tidlegare.

Men dåpen står fast som tradisjon heilt frå Jesu tid. Alle - både barn, ungdom og vaksne - har ein open invitasjon til å la seg døype og bli del av det kristne fellesskapet både i sin lokale kyrkjelyd og i den verdsvide kyrkja.

Bli med og gjer det kjent, og velkomen til dåp!



Meir informasjon og bestilling av dåp finn du på www.time-kyrkja.no

Du kan også kontakte oss på telefon 51 77 03 77.



VÅRFEST for alle +/- 60

Lye forsamlingshus søndag 17.mars kl.15.00

- Kåseri og andakt ved Åsmund Steinnes
- Song og musikk
- Kulturskuleelevar deltek
- Allsong, god mat og drøs

VELKOMEN!

Arr: Time diakoniutval

leiaren, Magnus Nedrebø. I tillegg til den flotte gjengen i styret, var vaksenkontakten, Morten Dyngeland, med. Styret har delt ansvaret godt: Randi steller med økonomien, Johannes har ansvar for lovsongen, Gabriel er møteansvarleg, Guri og Grete ordnar med maten, Ingeborg hjelper alle og Amalie (ikkje med på dette møtet) syter for underhaldninga.

Sidan det er tre i styret som er russ dette året, kjenner dei på at rekrutteringa må sikrast. Dei har tru på at det lagar seg vidare

Denne kvelden prøver dei å finna stad for week-end i mai/

juni. I fjor var dei så mange som 48 som hadde ei fin helg saman på Fjelltn.

Så flott å få treffa desse fine ungdommane! Me ønskjer dei lukke og signing i det viktige arbeidet dei driv!

ps Du finn dei på facebook <https://www.facebook.com/ungdomstreffetfotland/>

Trusopplæring i kyrkjelydane i Time



DEN NORSKE KYRKJA

Hovudmål for trusopplæringa

Å vera ei raus og tydeleg kyrkje der alle barn og unge får hjelp til å leva livet sitt i tru, håp og kjærleik.

Me vil gjennom kunnskap og kjennskap gje alle døypte barn og unge hjelp til å få ein relasjon til den treeinige Gud:

- Gud - skaparen
- Jesus – frelsaren
- Den heilage Ande - hjelparen

Me deler tru og undring.

Me deler kristne tradisjonar og verdiar.

Me deler opplevingar og fellesskap.

Me deler håp og kjærleik.

Trusopplæring i kyrkjelydane våre

Babysong på Undheim

Som ein del av tilbodet til den opne barnehagen, har me babysong v/Ragnhild Hanssen for barn fødte i 2018 og 2019 Me møtest annankvar onsdag kl 10.30-11.00 (oddetalsveker). Barnehagen har ope mellom 10-12 kvar onsdag (følgjer skuleruta). Velkommen til ei hyggeleg stund for deg og babyen med song, rørsle og sosialt samvær. **Datoar våren 2019: 13. mars, 27. mars, 10. april, 24. april, 8. mai, 22. mai**



Småsong på Lye

Velkommen til Lykkeliten opne barnehage annankvar onsdag mellom kl 09.30 og 12.30 (partalsveker). Songstund «småsong» kl 10.30-11.00 v/Ragnhild Hanssen. Datoar våren 2019: **20. februar, 6. mars, 20. mars, 3. april, 17. april, 15. mai**

Dåpsskule for 1. klasse

Gjennom dåpsskulen ynskjer me at «Barna skal få møte med trua gjennom undring og oppleving, leik og læring. Dette skal dei gjera ved å:

- få kjennskap til at dei er døypte og høyrer Jesus til.
- læra om korleis Jesus møtte menneske.
- læra om påskehendingane, frå palmesundag til 1. påskedag. Dei skal læra om kva påska betyr for oss i dag.
- læra meir om tilgjeving, både Guds tilgjeving av oss menneske, men òg korleis me menneske kan tilgje kvarandre.
- erfara bøn, og læra ulike måtar å be på.
- bli betre kjende med kyrkja og kyrkjerommet.»

Frå *Trusopplæringsplanen for Bryne, Time og Undheim*

Datoar:

Undheim: Datoar for samlingar kjem i invitasjonen.

Dåpsskulehelg 30.-21. mars med avslutning på gudstenesta 31. mars kl 10.30 i Undheim kyrkje.



Hognestad: Datoar for samlingar kjem i invitasjonen.

Dåpsskulehelg saman med Lye 6.-7. april, og avslutning på gudstenesta 7. april kl 11.00 i Time kyrkje.

Lye: Datoar for samlingar kjem i invitasjonen. Dåpsskulehelg saman med Hognestad 6.-7. april, og avslutning på gudstenesta 7. april kl 11.00 i Time kyrkje.

Bryne: Datoane for Bryne vert sende ut i invitasjonen.

Ragnhild Hanssen

KVINNENES INTERNASJONALE BØNEDAG

1.mars 2019

«Kom, for nå er alt ferdig»

Lagt til rette av Bønedagskomitéen i Slovenia

Kvinnernes internasjonale bønndag (World Day of Prayer) har komitéar i meir enn 170 land og regionar. I Norge starta bønndagstradisjonen i slutten av 1920-åra. På stader der det er fleire kyrkjesamfunn eksisterer ikkje desse grensene denne dagen. Kvinnene samlast ein plass for å vera ei lekkje i bønneringen. Sjå på symbolet:

- kvinner frå dei 4 verdshjørna på kne formar eit kors, og så vert bønnesirkelen til.

«Takk at din kirke aldri sover!

Mens jorden ruller uten stans, ditt folk i vek-
selsang deg lover --

Se over land og hav og øyer en dag går fram i
ubrutt ring,

og folkene på rad seg bøyer i takk for alltid
nye ting.»

(NoS nr. 820)

Feiringa av Bønndagen vart starta av kvinner i USA i 1887. Bakgrunnen var nauda dei såg blant immigrantar og



Programmet for 2019 er skriva av kvinner i Slovenia, eitt av dei minste landa i Europa.



etterkomarar av slavar, og etterkvart vart idéen spreidd til inn- og utland. Seinare vart det vedteke å nytta den første fredagen i mars til bøn.

Prosjekta me støttar denne dagen har ein klar kvinneprofil og er ofte knytte til opplæring og andre føretak som kan gi kvinner betre kår. På den internasjonale nettsida for bønndagen: www.worlddayofprayer.net finn de programmet.

I Time er det i år samling på Fotland bedehus kl. 14.00 og i Frelsesarméen på Bryne kl. 19.00. Elles er det sjølsagt fint om to eller tre sluttar seg til bønneringen i eiga stove. Det er like god grunn for å samlast til bøn i dag som det var i vanskelege tider i USA i 1987. Velkomen til å vera med!

(Sjå annonse s. 17)

emb

Kvinnernes internasjonale bønndag er et imponerende økumenisk initiativ. Den feires hvert år i over 170 land. Den representerer et viktig bidrag for å bygge fellesskap og relasjoner mellom kulturer og ulike kristne tradisjoner. I tillegg legger den et viktig grunnlag for samhandling om en lang rekke diakonale utfordringer.

Erhard Hermansen
generalsekretær, Norges Kristne Råd

På stabsbesøk - organistane



Organist i Bryne: Per Olav Egeland

Kva hadde vel gudstenestene vore utan musikk? Utenkjeleg! Helgedagen har fått møta dei tre faste organistane i Bryne, Time og Undheim: Per Olav Egeland, Oddny Underhaug og Kari Kaald Reiten. Ikkje lett å samla alle tre på ein gong, for mellom anna gravferder gjer at det er vanskeleg å laga ein nøyaktig vekeplan.

Oddny og Per Olav har kontorplassen sin på kyrkje-kontoret, og igjen vert det gode arbeidsmiljøet der trekt fram. Trivselen er stor!

Per Olav Egeland (54), kantor i Bryne-kyrkja, tilsett frå 2004 i 100% stilling (80% organist og 20% trusopplærar).

Han er oppvaksen på Sandnes, men er faktisk fødd i Etiopia - då faren var lege ved eit sjukehus der. Etter musikklinja på Sandnes vart det etterkvart kyrkjemusikk i 4 år ved musikk-konservatoriet i Bergen. Per Olav bur nå med kone og tre born på Bryne.

I trusopplærardelen av arbeidet er han med på dei ymse fase-tiltaka for dei ulike årstrinna, som til dømes dåpsskule, pinsefart og Lys vaken. Bryne-kyrkja har òg ansvaret for eit barnekor, Jungelkoret, frå 4 år og oppover.

Per Olav seier at hjarta hans ligg i den klassiske musikken, men han synest likevel det er fint å prøva seg sjøl på andre typar musikk. Han har godt samarbeid med lovsongsteamet i Bryne-kyrkja, og tykkjer det blir laga gode musikalske arrangement der.

Som kantor får han gjera ein viktig jobb for kultur- og musikklivet på Bryne, der kyrkja kan nå mange. Det gode orgelet høver for store konsertar, men også det nye flygelet kan skapa variasjon i musikk-tilbodet.

Per Olav avsluttar med at Bryne er ein kjekk kyrkjelyd å arbeida i - med ein veldig fin stab, der alle dreg i lag.

Oddny Underhaug (66) organist i 50% stilling i Time-kyrkja. Oddny vart tilsett i 1994, og har såleis 25-årsjubileum dette året. Fram til sommaren 2018 hadde ho òg ei deltidstilling i kulturskulen i Time.

Oddny er ekte Time-bu, oppvaksen på gard på Lende. Ho og Njål har budd på Bryne sidan 1975. Dei har fire døtrar og fem barneborn.

Musikkutdanninga har ho frå musikklinja ved Bergen lærarhøgskule.

Oddny ønskjer å spela på lag med det lokale miljøet, og me som går i Time-kyrkja veit at ho er flink til å leita opp og sleppa fram unge krefter i gudstenestene. Ho likar å involvera born og unge i gudstenestelivet, og dei unge veks på det. Ho har eit godt samspel med kulturskulen, og det får kyrkjelyden nytta godt av. Oddny er oppteken av at kyrkja skal vera god på å møta menneske på ein fin



Organistane i Time og Undheim: Oddny Underhaug og Kari Kaald Reiten



måte, både i glede og sorg.

Høgtidene er travle for organistane, og Oddny har ikkje hatt fri meir enn ei påske- eller julehelg på 25 år! Men samstundes er opplevingane store i høgtidene. Påskenatts-gudstenesta i Time-kyrkja er i så måte heilt spesiell, synest ho.

På fritida dirigerer Oddny koret Jærklang på Bryne, og det arbeidet har vart i 20 år. Jærklang er eit stort kor, og dei har hatt mange fine konsertar til glede for eit stort publikum over heile Jæren.

Kari Kaald Reiten (59), organist i 10% stilling i Undheim kyrkje, og der har ho spela i meir enn 20 år. Kari er ei sprudlande trønderdame, frå Støren. Gjennom Ungdom i Oppdrag møtte ho Kjærleiken i ein rogalending frå Undheim, og slik vart ho Time-bu. Ho og mannen bur nå på Undheim. Dei tre borna er utflytte.

Kari har ei solid musikk-utdanning, og er både klaver-pedagog og kantor. Det er pianoet som ligg hennar hjarte aller nærast, seier ho.

Kari ønskjer å byggja livsglede rundt seg, og ho er oppteken av å bruka evner og anlegg der ho møter menneske i ulike situasjonar i livet. Musikken er eit livskall for henne, og det skal mykje til for at ho ikkje stiller på jobb sjøl om ho ikkje er heilt på topp. Ho er med på å forma gudstenestelivet på Undheim, og ho vert verande - om prestar kjem og går. Kari får tak i forsongarar til gudstenestene. - Alle kan syngja, seier ho. - Song gjev livsglede, det er himmelsk! Ho elsker å få forsamlinga til å syngja, og ho gjev av seg sjøl gjennom songen, også som tilbeding i lovsong.

Kulturskulen i Time får også gleda av å ha henne som tilsett der, så ho når mange.

Engasjementet hennar er stort, også på fritida. Ho leier bygdekoret DeKor, og slik får heile bygda dela songgleda med henne - anten som deltakar eller lyttar. Koret øver annakvar veke, og deltek på ulike arrangement i distriktet.

Tekst og foto: LHH

Velkomen til Sundagstreff Bryne kyrkje våren 2019

Datoar for våren

Sundag 17. februar kl. 18.00

Sundag 24. mars kl. 18.00

Sundag 7. april kl. 18:00

Torsdag 23. mai blir det grillfest, ta kontakt med kyrjekontoret for tid og stad.

Program:

Kl. 18.00: Ringleik & allsong + kaffi & drøs i kyrkjestova

Kl. 19.00: Gudsteneste i kyrkjesalen

Arrangementet er tilrettelagt for menneske med utviklingshemming.

Alle velkomne!



Misjonsprosjekt i Bryne kyrkjelyd



«Fokus Midtausten» er eitt av misjonsprosjekta Bryne kyrkjelyd støttar gjennom Det Norske Misjons-selskap. Me høyrer dette begrepet i forbøna i gudstenesta og har det på trykk i bønnebrevet. Den som har stor kunnskap om nettopp dette er John Steinar Dale. Han er tidlegare Madagaskarmisjonær, men nå pensjonert sokneprest frå Hundvåg menighet. Interesse og engasjement for å nå vidt ut med evangeliet via radio og TV har han hatt heilt frå misjonæråra.

Som pensjonist brukar han nå endå meir tid til nær kontakt og oppfølging av SAT-7. Det er det største prosjektet i paraplyorganisasjonen «Fokus Midtausten». SAT-7 er på ein måte «mora» til fleire typar enkeltprosjekt i desse landa og har brei støtte frå mange organisasjonar. Måtte informasjonen John Steinar deler her inspirera oss til bidrag og bøn for dette misjonsprosjektet vårt.

emb

Det er oppgaven våre kristne brødre og søstre i den delen av verden står overfor.

De er seg bevisst sin kristne arv og identitet – og de har vært der fra begynnelsen av.

Araberne er nevnt i pinsefortellingen i Apostlenes Gjerninger, nærmere bestemt i 2,11.

Da Bibelselskapene i Midtøsten gjorde år 2004 til Bibelens år i Midtøsten, var det bl.a. nettopp for å understreke, og få ut til sine medborgere, budskapet om at Bibelen er deres felles arvegods – som oppsto i deres egen del av verden, og slett ikke har kommet hverken fra Amerika eller Europa.

Hvordan gjør så de ofte hardt pressede kirkene i de

arabisk-talende land når de vil styrke de enkelte kristnes frimodighet til å være gode og troverdige kristne vitner i nærmiljøet?

Et av deres viktigste redskap er SAT-7. Det er et nettverk av kristne arabisk-språklige satellitt-TV-kanaler for de kristne i Midtøsten og Nord-Afrika. I de seinere år er det for øvrig utvidet, slik at SAT-7 nå også omfatter TV-sendinger på farsi (persisk) og tyrkisk.

SAT-7 var på lufta første gang den 31. mai i 1996. I de dager var det en beskjeden start, med 2 timer sending hver fredag, på analogt system. Nå er SAT-7 på lufta, på digitalt system, døgnet rundt, året rundt, på 4 forskjellige kanaler – og alle program sendes også som strømmetjeneste (streaming) via Internett, slik at interesserte kan følge programmene både på PC, lesebrett og moderne



smart-telefon.

Sendingene er altså tilgjengelige, vederlagsfritt, hvor som helst. Ikke bare kan de tas inn, men folk følger virkelig sendingene, i stadig økende grad. Ikke fordi det er en kristen kanal, men fordi de produserer god TV, med et særdeles variert og relevant program-tilbud for alle aldersgrupper. Barna har sin egen kanal, den nå så berømte SAT-7 KIDS.

Programmene produseres av og blant målgruppen, altså de arabisk-, farsi- og tyrkisk-talende kristne i området, og kanalen har godt som alle sine fasiliteter i regionen. For de arabisk-språklige programmene alene, har seertallet passert 25 millioner mennesker.

Det ville jo ikke være noe poeng i å la evangeliet først ta en svingom via vesten og ikles vestlig kulturell og politisk emballasje før det ble sendt tilbake til Midtøsten! Nei, her må vi la dem ta ansvar som har det, og støtte dem i det!

En av grunnene til denne sterke satsingen er at de kristne kirkene i Midtøsten har vært, og er, meget vel klar over medie-strukturen i området. TV har i mange år vært det mest solgte husholdnings-apparatet i regionen!

De kristne kirkene i Midtøsten har greid å samarbeide på tvers av konfesjonsgrensene, ettersom SAT-7 var et prosjekt av slike dimensjoner at ingen av dem ville greie å starte opp noe slikt aleine, og så mente de at dette arbeidet var viktig.

Biskop Moussa i Den Koptisk Ortodokse Kirke (The Coptic Orthodox Church) sa det på denne måten: SAT-7 kan gjøre hva ingen kirke kan:

“SAT-7 kan besøke en persons hjem HVER DAG, bringe med seg MANGE FORSKJELLIGE TALERE, presentere kristne synspunkter på MANGE FORSKJELLIGE EMNER. Og, det kan SAT-7 gjøre i MILLIONER AV HJEM SAMTIDIG!”

Fellesskap betyr mye for de kristne i Midtøsten.

De vil gjerne ha oss i andre verdensdeler med som samarbeidspartnere. Derfor er det inspirerende å se at stadig flere norske og nordiske organisasjoner, enkelt-menigheter og enkeltpersoner er blitt med som venner av SAT-7.

John Steinar Dale
jsdale@online.no

Torsdags-Treff i Bryne kyrkje

Kl. 14.30 – 16.30

Torsdag 21. februar

Sokneprest Harald Grønnevik: «Livet slik det var – med glimt frå 'Heimbygd' «.

Torsdag 21. mars

Ståle Ree: «Den som kvikkar opp andre, blir oppkvikka sjølv».

Torsdag 11. april

Kari Ree og Øyvind Lutro: «Gospel-song til trøyst og glede».

Det blir songstund, matøkt og andakt på samlingane.

Pluss minus 60 - Velkommen!

**På vegne av komiteen,
Jens Olav Mæland.
Tlf. 975 95 899**

KYRKJEOKONOMIEN 2019

13. desember handsama Time kommunestyre økonomiplanen 2019-2022 og la føringar for kyrkjeøkonomien for 2019.

Kommunen har vedteke eit driftsbudsjett på heile 1.304 milliarder kroner og bestemt at Kyrkjeleg fellesråd skal få disponera rundt 8.5 millionar kroner til drift for inneverande år. Kyrkjeleg fellesråd har fått inflasjonsjustert tilskotet. Det er i tillegg gjeve ei generell styrking på 300 000 kroner for 2019.

Når det gjeld investeringsbudsjettet, ligg det inne pengar til å oppgradera vatninntaket ved Time- kyrkja for å få full effekt av sprinkelanlegget som blir installert i desse dagar.

Det ligg òg inne pengar i langtidsperioden til vedlikehald både for Bryne, Time og Undheim kyrkje.

Gunnar Bjorland Stone er kyrkjeverje i Time kommune:

- Kor nøgd er du med dei økonomiske rammene for kyrkjeleg drift som ligg i økonomiplanen?

"I innspelet til økonomiplanen var me tydelege på at me

treng auke i tilskotet for å kunna gå i balanse på drifta dei neste åra. Sjølv om vårt innspel var høgare enn det me fekk tildelt, må me likevel seia oss nøgde med auka på 300 000 kroner, spesielt i ei tid der kommuneøkonomien er stram. Dette viser at Time kommune ser behova i kyrkja og ønskjer å møta dette så godt dei kan. Det set me stor pris på"!

-Korleis vil du karakterisera samarbeidet mellom Kyrkjeleg fellesråd og Time kommune?

"Me opplever samarbeidet som svært godt. Me har mange kontaktpunkt med kommunen, og på alle område har me ein open og god dialog prega av eit ønskje om å forstå kvarandre og finna gode løysingar. Kyrkja og kommunen har eit felles ønskje om å vera til beste for innbyggjarane, og det må vera den beste plattformen for samarbeid.

Me er heldige i Time som har politikarar og administrasjon som ser kva kyrkja betyr for kommunen, og som ønskjer å leggja til rette for at arbeidet som kyrkja driv, skal bera frukt og koma innbyggjarane til gode. Det er me svært takksame for".

AV



Strikkekafé

på Lye forsamlingshus
"Ikkje bare for dei med strikketøy"

Strikkekaféen er for damer i alle aldrar. Ta gjerne med strikketøyet eller eit anna handarbeid og få inspirasjon eller kan henda litt hjelp, **men det er absolutt lov til å koma bare for å drøsa.**

Det blir "kafe" med sal av litt mat, og det blir ei lita utlodding.

Torsdag 7. mars kl. 19:30

Sjå eiga Facegook-side for kaféen:

<https://www.facebook.com/StrikkekafePaLye>



Kvinnenes internasjonale bønnedag

Fredag 1.mars 2019

Fotland bedehus – møte kl.14.00

Frelsesarméen, Bryne – møte kl.19.00

Andakt og song: Kjersti Haaland Risan

Programmet får me i år frå bønnedagskomitéen
i Slovenia.



Teologi til folket 2019

Velkommen til åpne forelesninger på VID Misjonshøgskolen våren 2019.
Misjonshøgskolens Aula, Misjonsmarka 12, 4024 Stavanger

Professor i Det gamle testamentet, Knut Holter, vil på onsdagskvelder fra kl. 18.00-20.00
fortsetter forelesningene over

Førstehjelp til forståelse og bruk av Det gamle testamentet

For de som også er interessert i å lære litt hebraisk, blir det språkundervisning fra 20.15 -21.00.

Alle kvelder fra kl. 18.00-20.00 (til kl. 21.00 for språkinteresserte)

- 13. februar og 20. februar
- 6. mars og 13. mars

Det er ingen påmelding, og forelesningene er gratis

Åpent for alle

Inviter med venner og bekjente, fra menighet og vennekreis!

Hjertelig velkommen!





Jær Tannlegene
Heidi Bøe Honningsvåg
Jaertannlegene.no | 5148 4800



JÆRPRINT
TRYKK & DESIGN



eikhi



HOLMANE Bil
Tengsareidv 4, 4373 Egersund
Tlf. 51 46 19 80
http://holmanebil.no



VI ORDNER ALT I SPEIL, GLASS OG BILGLASS



Glassmesterforretning
Einar Knutsen as
Postboks 149, 4349 Bryne
TLF. 51 48 02 11
DØGNSERVICE 971 78 180

aktiv.
Eiendomsmegling
51 77 80 00 / rogaland@aktiv.no



Varme hender
for
Hodepine
Nakkeplager
Ryggplager

Telefon:
48227422

KIROPRAKTOR ANDERSEN
På Orstad
VI FINNER UT AV DET SAMMEN



EL-TEAM
Elektroentreprenør



Morenefare 5, Bryne, Tlf. 51 48 67 40
E-post: dr@el-team.net, Internett: www.el-team.net



BYGG MESTER
JENS GERLACH
SØRENSEN A-S



Rogalandshus

Johansen
Elektriske as



Postboks 510 - 4349 Bryne
Tlf: 51 48 01 01

Bogh Lafoe als



TOYOTA
Fossveien 3, 4373 Egersund
Tlf. 51461700 www.toyotaegersund.no



PIZZABAKEREN™
Pizzabakeren Bryne, 47 70 77 00



SPAREBANKEN
SØR



TIMEELEKTRO AS
når resultatet er viktig
Vesthagen 4, 4344 Bryne
Tlf. 51 77 15 90

Kverneland Bil
Vi tar ansvar!

Eskervegen 7, 4341 Bryne • Tlf. 51 77 82 82

haver

Haver Advokatfirma AS
Øgårdsbakken 3, Bryne
telefon 51 77 00 50

		
 Alt innen datahjelp -hjem på døren til private & bedrift Tlf 51485000 www.datahjelpen.it	 PRIVATMEGLEREN JÆREN Torggata 2, 4340 Bryne Tlf. 51 48 86 00 • jaeren@privatmegleren.no	 PORT & DØRSENTER AS

- Jeg ønsker meg vann til landsbyen. Da kan jeg gå på skole igjen.

Noi elsker skolen og vil bli lærer når hun blir stor. Men hun går ikke på skolen lenger for hun må hente vann.

Hvor mange meter vil du gi?
Du kan gi vannrør til landsbyen slik at Noi får ønske sitt oppfylt. Fire meter vannrør koster 200 kr.

våpps til 538831

NMS
VI TROR

OK Bad as
Tverrfjellveien 5
4347 Lye



Foto: BH

“LAUST OG FAST” våren 2019 i kyrkjekjellaren Undheim kyrkje



Undheim kyrkje

Onsdagane: 20. februar, 20. mars
kl. 14.00 - 16.00

Onsdag 20. februar: Psykiater Åslaug Høyland.
Undheim barnehage vert med.

Onsdag 20. mars: Reidun og Olav Alvsåker frå
Frelsesarméen

Dei faste innslaga med ord for dagen, song, utlodning og
matpause vert som før.

Hjarteleg velkomne, pensjonistar og andre som tida
høver for.

Arr. “Laust og Fast ” komitéen



Bryne
Kto. 3325.20.11906



Vil du ha
Misjonstidende MT
GRATIS i postkassen?

Send SMS med **NMS MT** til 2490
eller ring oss på 51 51 61 00.



Vil du at palestinere og israelere skal få
mulighet til å møtes i Kjærlighet?
Vipps din gave til 19333

TAKK
til deg som



UTRYDDER
FATTIGDOM



DELER TROEN
PÅ JESUS



BEKJEMPER
URETTFERDIGHET



**SAMMEN
FORANDRER
VI VERDEN**

VIPPS: 10932
SMS: NMS HJEM til 2490 (kr 200)



Det er ingen selvfølge at noen ordner bursdagsgave

Tusenvis av barn i Norge opplever at det knytter seg i magen hver dag.

Vil du hjelpe familier som sliter med
alkohol- og rusproblemer?

Send **VIPPS** til **13130** (valgfritt beløp)
Send **SMS** "BK VENN" til **2210** (kr 100)



Skaparverket



Foto: Harald Lygren

Kornkråka

"Sjå kva eg har funne!"


Kornkråka er ein nokså ny innbyggjar her hjå oss. For 50 år sidan var denne fuglen knapt å sjå nokon stad i landet, men i dag finn ein koloniar i Trondheim, ved Mjøsa, i Stavanger og på Bryne.

Kornkråka skil seg frå den vanlege kråka ved at ho er heilt svart med fiolett glans i fjørene. Nebbet er svart med eit lyst parti ved rota. Desse sosiale fuglane byggjer oftast reir i høge bartre og gjerne fleire reir i same tre.

Mens den vanlege kråka oftast flyg heilt til Mosvannsparken i Stavanger for å kvila seg om natta, så held kornkråka seg saman med venene sine i same området heile døgeret. Flokken gjev tryggleik mot ytre farar, som t.d. hønsehauken.

Tekst: Rolf Heskestad

Det litt muntre hjørnet:




Løysing Helge-
kryssord - 5/18

Det var utpå sommeren, og alt beitet var avspist. – En fjellbonde visste ikke hvor han skulle finne mat til den ene kua si. Men han fant til slutt en liten grasflekk på et lite platå høgt oppe i fjellet. Her opp leide han kua, og sa trøstende: - Her e' ikkje nettopp så møje å eda, men te' gjengjeld e' her nokså goe utsikt!

(Frå Folk é løgne 1950 med løyve frå Stavanger Aftenblad)

HelgeKryssord - 1/19 (av Gabriel Tengsareid)



Vassrett

1. Blix salme
11. Greitt
13. Person som ein annan tek seg av
15. Elegante
17. Treområde
18. Ford
19. Luftig ferd
21. Mannsnamn
22. Selskap
23. Areal
24. Huska
26. Evne
28. Tettstad i Trøndelag.
30. Nabobokstavar (omv.)
31. Utstrekning i tre dimensjonar
32. Kvinnenamn
33. Jesus

Loddrett

1. Garnlykkjer
2. Giftar seg
3. Svar
4. Avfallet
5. Tynne ut
6. Bråk
7. Oppfølging
8. Haugtussa
9. Frosne vassgrenser
10. Behandling
12. Like bokstavar
14. Ikkje snakk!
16. Fire
19. Diktar
20. Setje vassrett
21. Tæra
25. Seinast
27. Romma
29. Goldt område
33. Ta fyr
39. Ønskje om lykke til
43. Snakka
44. Ukjent
45. Selen (kj. teikn)
46. Fisk

Gjevarteneste

Barne- og ungdomsarbeid i Bryne,

kto.nr. 3325.25.07057

Trusopplæringa i Time

kto.nr. 3325.39.13407

Kyrkjelydsarbeidet / Gjevarteneste

ungdomsarbeidar, Undheim

kto.nr. 3325.21.55657

Undheim kyrkje - gåver

kto.nr. 3325 25 08959

Frøyland-Orstad kyrkjelyd,

kto.nr. 3290.60.44179

Kyrkjebygg Frøyland-Orstad

kto.nr. 3325.25.09270

Barne- og ungdomsarbeidar på Lye

kto.nr. 3290.58.78041

"Vi gjev" - diakonalt arbeid i Time

kto.nr. 3325.21.30859

Stikk innom vår heimeside

<http://www.time-kyrkja.no>

Vegen tilbake til Gud

*"For så elska Gud verda at
han gav Sonen sin, den
einbörne, så kvar den som
trur på han, ikkje skal gå
fortapt, men ha evig liv!"
Joh. 3,16*

Bøn: Jesus, du veit om mine feil og nederlag. Eg trur at du er Guds son som døydde på krossen. Slik vart ditt blod gjeve for syndene mine. Kom inn i hjarta mitt og livet mitt og gjer meg til eit Guds barn. Eg tek imot deg akkurat nå som min Herre og Frelsar. Eg tek imot di tilgjeving for syndene mine. I Jesu namn. Amen



Nærradioen
med godt nytt

Trygghemsvegen 13, 4365 Nærbø, Tlf.: 51 43 32 22

Sender på

FM 103.5 - 106.3 - 106.6 - 107.9

www.jmradio.no

Sendetider

Mandag: 08.30 - 09.00/17.30 - 18.00

Tirsdag: 08.30 - 09.00

Onsdag: 08.30 - 09.00/17.30 - 18.00
19.30 - 21.00

Torsdag: 08.30 - 09.00/21.00 - 21.45

Fredag: 08.30 - 09.00/21.00 - 21.45

**Jesus Kristus
er i går og i dag
den samme, ja
til evig tid.
Hebr. 13,8.**

Ynskjer du nokon å snakke med?

*Du er velkommen til å ta kontakt
med prest og diakon for samtale.*

Sokneprest Gunnar Frøyland (Time)
tlf. 958 73 847

Sokneprest Stein Ødegård (Bryne)
tlf. 911 57 105

Sokneprest May Brit Merland Arnø
tlf. 467 94 518

Diakon Marit Høie Hetland
tlf. 48 89 69 19

Diakon Jofrid Aarsland Mikalsen
tlf. 48 89 72 32

**Vil du gi en gave
til Normisjon?**



Kontonr: 1503.02.13537

Husk å øremerke gaven hvis
du vil den skal gå til noe
spesielt.

www.normisjon.no



BLIFADDER!

www.blifadder.no

☎ 22 94 26 00 misjonsalliansen



DØYPTE

BRYNE KYRKJE

11.11.18: Alfred Conceicao Ferreira Eiane, Bertine Conceicao Ferreira Eiane
 16.12.18: Elias Gåsland Olsen
 06.01.19: Oliver Roaldsnes Wilhelmsen
 13.01.19: Enevald Obrestad Horpestad, Sofia Emilia Serigstad

TIME KYRKJE

18.11.18: Karen Grødem, Sander Hognestad, Emilie Øie Landro, Tona Thingvoll Nedrebø, Hermine Borsheim Nøss, Sander Stokkeland
 25.12.18: Oddbjørn Rosseland, Henrik Skadsem
 13.01.19: Ingrid Keltie Fotland, Isak Risa Salte

UNDHEIM KYRKJE

09.12.18: Viktoria Cornelia Norås

LYE FORSAMLINGSHUS

25.11.18: Ella Håland Varhaug

BORN DØYPTE ANDRE STADER

18.12.16: Hannes Herikstad (Bexbach, Tyskland)
 21.10.18: Daniel Herikstad (Bexbach, Tyskland)



VIGDE

TIME KYRKJE

24.11.18: Anne Marthe Reiestad Serigstad og Matthew William Howard Medd

DØYPTE (framhald)

11.11.18: Herman Torp Jensen (Hisøy kirke)
 25.11.18: Bogdans Jarinskis (Dirdal kyrkje)
 02.12.18: Theo Aarthun Tønnesen (Ålgård kirke)



DØDE

Else Tunheim, Geir Anders Mikkelsen, Håkon Thue, Agnes Nilsen, Ane Andersen (Eiganes gravlund), Kristina Melke-råen, John Einar Tegle, Kirsten Ranveig Tungland, Olga Regine Undheim, Olaug Auglend, Magda Christensen (Orre kyrkjegard), Maren Ueland, Alf Jørgen Mæland, Asbjørn Undheim, Kåre Ottar Bergene, Bård Bjarne Jakobsen, Gudrun Olsen, Solveig Tunheim, Olga Høyland, Olga Ingerda Oma, Ole O. Bergene



Støttegrupper

Kyrkja sitt tilbod til etterlatte

Det finst tilbod om å delta i støttegrupper etter at ein har mista ein av sine næraste. Ønskjer du å bli med i ei slik gruppe, ta kontakt med diakon på:
diakon@time-kyrkja.no eller ring kyrkjekontoret på tlf. 51 77 03 77

Begravelsesbyrå



Obed Bryne

Begravelsesbyrå

www.obed.no



tlf: 51 77 80 80

24-timers vakttelefon

Skulegata 9, 4340 Bryne

KROGEDAL
begravelsesbyrå

D Ø G N V A K T
51 97 29 00

Våre medarbeidere på Jæren
 Runar Apeland, Borgny Å. Skretting
 og Brikt Goa

Kontor: Bryne og Sandnes og Stavanger

STEINAVDELING
GRAVMONUMENT
PLATER

www.krogedal.no

3. GENERASJON BEDEMANN

Arild Aase

Aase
Begravelsesbyrå

Reev. 34, 4340 Bryne 917 59 102

24 TIMERS VAKTTELEFON

NOVA

BEGRAVELSESBYRÅ
 Gjesdal • Jæren • Sandnes

51 61 04 00

Hele døgnet

Hanne Brit Sandsmark
 og Møyfrid Hersdal



www.novabegravelse.no

Skyss til
gudstenesta

BRYNE KYRKJE:

Sverre M. Lima 51 48 21 33

Jonas Frøyland 41 30 04 68

Ring før kl 10.00



*Velsigna
vinter*

Gudstenesteliste

Sundag 10. februar 6. søndag i openberringstida Mark 13,21-27

Time kyrkje	kl. 11:00	Dåp. Sundagsskule
Bryne kyrkje	kl. 11:00	Nattverd. Sundagsskule. Konf. delt.

Sundag 17. februar Sønnemannsundagen Matt 13,24-30

Lye forsamlingshus	kl. 10:30	Dåp. Sundagsskule
Undheim kyrkje	kl. 10:30	Dåp. Sundagsskule
Bryne kyrkje	kl. 11:00	Nattverd. Konf. delt.
Bryne kyrkje	kl. 18:00	Sundagstreff. Kort gudst. Kl. 19.00

Sundag 24. februar Kristi forklæringsdag Luk 9,28-36

Bryne kyrkje	kl. 11:00	Dåp og nattverd. Sundagsskule
Time kyrkje	kl. 11:00	Nattverd

Sundag 3. mars Fastelavenssundag Luk 18,31-34

Undheim kyrkje	kl. 10:30	Nattverd. Sundagsskule
Lye forsamlingshus	kl. 10:30	Nattverd. Sundagsskule
Bryne kyrkje	kl. 19:00	Nattverd

Sundag 10. mars 1. søndag i fastetida Matt 26,36-45

Time kyrkje	kl. 11:00	Dåp
Bryne kyrkje	kl. 11:00	Nattverd. Sundagsskule. Konf. delt.

Sundag 17. mars 2. søndag i fastetida Luk 13,22-30

Lye forsamlingshus	kl. 10:30	Dåp. Sundagsskule
Undheim kyrkje	kl. 10:30	Nattverd. Sundagsskule. Årsmøte.
Bryne kyrkje	kl. 11:00	Dåp. Sundagsskule. Konf. delt. Årsmøte.

Laurdag 23. mars Laurdag etter 2. søndag i fastetida Luk 13,22-30

Time kyrkje	kl. 15:15	Dåp
-------------	-----------	-----

Sundag 24. mars Maria bodskapsdag Luk 1,39-45

Bryne kyrkje	kl. 11:00	Nattverd. Konf. delt.
Time kyrkje	kl. 11:00	Nattverd. Sundagsskule
Bryne kyrkje	kl. 18:00	Sundagstreff. Kort gudst. Kl. 19.00

Sundag 31. mars 3. søndag i fastetida Luk 22,28-34

Lye forsamlingshus	kl. 10:30	Dåp og nattverd. Sundagsskule
Undheim kyrkje	kl. 10:30	Dåp. Dåpsskulen
Bryne kyrkje	kl. 19:00	Nattverd

Sundag 7. april 4. søndag i fastetida Joh 6,24-36

Time kyrkje	kl. 11:00	Dåp. Dåpsskule. Misjonstivoli.
Bryne kyrkje	kl. 11:00	Nattverd. Årsmøte. Dåpsskulen
Bryne kyrkje	kl. 18:00	Sundagstreff. Kort gudst. Kl. 19.00

Sundag 14. april Palmesundag Joh 12,1-13

Lye forsamlingshus	kl. 10:30	Nattverd
Undheim kyrkje	kl. 10:30	Nattverd. Sundagsskule
Bryne kyrkje	kl. 11:00	Dåp. Sundagsskule